

Ushbu xabarni ko'rishda muammoga duch kelsangiz, uni [quyidagi havola orqali ko'rishingiz mumkin](#)



Axborot xabarnomamizning sakkizinchi soniga xush kelibsiz!

Sizning e'tiboringizga [Yevropa Ittifoqi](#) (YI) ning [Xalqaro Savdo Markazi](#) (XSM) tomonidan amalga oshirilayotgan "[O'zbekistonning JSTga a'zo bo'lish jarayoniga ko'maklashish](#)" loyihasi bo'yicha axborot xabarnomamizning sakkizinchi sonini taqdim etishdan mamnumiz. Bizning loyihamiz O'zbekistonni [Jahon Savdo Tashkilotiga](#) (JST) a'zo bo'lish jarayonida qo'llab-quvvatlashga qaratilgan. JSTga a'zo bo'lish mamlakatga o'z iqtisodiyotini modernizatsiyalashda hamda jahon iqtisodiyotiga integratsiya qilishda yordam beradi.

Ushbu sonda O'zbekistonga 2022-yilning iyul-sentyabr oylari oralig'ida ko'rsatilgan texnik ko'mak, xususan, ishchi guruhning 5-yig'ilishi (2022-yil 21-iyun kuni bo'lib o'tdi) yakunlari bo'yicha talab etilgan a'zolik uchun navbatdagi hujjatlar to'plamini tayyorlash jarayoni haqida ma'lumot beriladi. Ushbu materiallar ishchi guruhning 6-yig'ilishining diqqat markazida bo'ladi. So'nggi chorakda, shuningdek, JST TRIPS shartnomasi talablariga muvofiqligini tahlil qilish maqsadida O'zbekistonning intellektual mulk huquqlari bo'yicha milliy qonunchiligini ko'rib chiqish bo'yicha ishlar o'z yakuniga yetdi. Mamlakatning barcha hududlarida xususiy sektor uchun tashkil etilgan 13 ta seminar ham chorak davomidagi muhim voqealardan biri bo'ldi. Ushbu seminarlarda

tadbirkorlar JSTga a'zo bo'lishning afzalliklari va imkoniyatlarini muhokama qildilar.

Ushbu son RUS va INGLIZ tillarida ham mavjud.

Loyihamiz haqida batafsil ma'lumot veb-saytlarimizda [ingliz](#), [rus](#) va [o'zbek](#) tillarida mavjud.

Barcha savollar bo'yicha quyidagi elektron pochta manziliga murojaat qiling: WTOAccessionUZB@intracen.org

Biz bilan aloqada bo'ling: [#WTOAccessionUZB](#)

O'qishdan zavq olishingizni tilab qolamiz!

NOTA BENE from our team:

(EN)

Kindly note that you have been included in the mailing list of our newsletter following your participation to one of our events. If you wish to unsubscribe, you can do so [here](#).

(RU)

Обращаем внимание, что вы были включены в список нашей новостной рассылки по итогам участия в одном из наших мероприятий. Если вы хотите отказаться от рассылки, пожалуйста, пройдите по этой ссылке.

(UZ)

Siz axborotnoma pochta ro'yhatimizga bizning tadbirlardan birida ishtirok etganligingiz natijasida kiritilganligingizni eslatib o'tamiz. Ushbu obunani bekor qilmoqchi bo'lsangiz, keltirilgan xavola orqali uni rad qilishingiz mumkin.

BAJARILGAN ISHLAR VA ERISHILGAN YUTUQLAR

Bizning loyiha bir qator maqsadlar asosida amalga oshiriladi, jumladan:

	O'zbekiston hukumati Jahon savdo tashkilotiga a'zo bo'lish jarayoni talab muvofiq hujjatlarni tayyorlash to'g'risida va muzokaralar olib boruvchi pozitsiy ishlab chiqish haqida ko'proq xabardor bo'ladi
	Ijro etuvchi va qonun chiqaruvchi hokimiyat tarmoqlari O'zbekistonning yangi o'z majburiyatlariga muvofiq talab qilinadigan aniq tarmoq huquqiy asoslarini va me huquqiy hujjatlarni (MHH) ishlab chiqish to'g'risida yaxshiroq ma'lumotga ega bo'l
	Savdo siyosatini ishlab chiquvchi davlat xizmatchilarining JSTga a'zo bo'lish ja hamda tashkilotning huquqiy asoslari to'g'risida xabardorligi oshiriladi
	O'zbekiston JST qoidalarini, xususan JSTning SFS/TBT bitimlari va savdo tarti osonlashtirish to'g'risidagi bitimni bajarish bo'yicha tayyorgarlik darajasini osl
	XSM tomonidan amalga oshirilayotgan ish Jahon savdo tashkilotiga a'zo bo'lish jarayoni va uning afzalliklari to'g'risida biznes sohasi, shu jumladan, ayol ishbilarmonlar uyushmalari o'rtasida xabardorlikni oshirishga yordam beradi

Bizning faoliyatimiz va bugunga qadar erishgan yutuqlarimizni yaxshiroq tushunishingiz uchun biz ularni loyihamiz doirasida amalga oshirilishi kerak bo'lgan 5 ta maqsaddan kelib chiqib quyida berilgan toifalarga ajratdik.

1-MAQSAD

A'zo bo'lish uchun zarur bo'lgan hujjatlarni tayyorlashda va muzokara pozitsiyasini ishlab chiqishda axborot ko'magi

JSTga a'zo bo'lishning asosiy maqsadi – ushbu jarayonni boshdan kechirgan mamlakat va tashkilot a'zolari o'rtasidagi muzokaralaridir. Ushbu muzokaralar, birinchi navbatda, qo'shilayotgan mamlakatning mavjud savdo va iqtisodiy siyosatini muhokama qilishga, ularni JST shartnomalariga muvofiq o'zgartirishga qaratilgan. Loyiha ushbu jarayonga ko'maklashishni o'z oldiga maqsad qilgan. Uning doirasida muzokaralar uchun hujjatlarga zarur o'zgartirishlar ishlab chiqilmoqda. Chorak davomida loyiha ishchi guruhning 5-yig'ilishi (2022 yilning 21 iyun kuni bo'lib o'tdi) uchun zarur bo'lgan **JSTga qo'shilish jarayonida talab etiladigan hujjatlarni yangilash va tayyorlashda** yordam berdi. Ushbu hujjatlarda JST a'zolarining O'zbekiston tashqi savdo rejimiga oid savollariga javoblar, shuningdek tashkilotga qo'shilish to'g'risidagi yangilangan hujjatlar to'plami o'z

aksini topgan. Hujjatlar to'plami, o'z navbatida, Qonunchilikni isloh qilish rejasi (LAP), subsidiyalar haqida bildirishnoma va bojxona baholashi, sanitariya va fitosanitariya choralari (SFS), savdo-sotiqdagi texnik to'siqlar (TBT), TRIPS chora-tadbirlari bo'yicha ro'yxatlaridan, shuningdek davlat savdo korxonalarining ro'yxatidan tarkib topgan. Ushbu hujjatlarning taqdim etilishi ishchi guruhning 6-yig'ilishini tashkil etishda yordam beradi.

2-MAQSAD

O'zbekistonning milliy savdo siyosatini JSTga a'zo bo'lish talablariga muvofiqlashtirish uchun maxsus tarmoq qonunlari va MHHLarni ishlab chiqish salohiyatini kuchaytirish

Milliy qonunchilikning JST qoidalariga muvofiqligi tashkilotga a'zo bo'lish jarayonidagi eng muhim talablardan biri hisoblanadi. O'tgan chorakda O'zbekiston milliy qonunchiligiga intellektual mulk huquqlari bo'yicha o'zgartirishlarni tayyorlash, xususan, uni JST TRIPS kelishuviga hamda intellektual mulk to'g'risidagi boshqa xalqaro konvensiyalarga muvofiqlashtirish bo'yicha ishlarning yakunlanishi muhim yutuq bo'ldi.

Loyiha doirasida, shuningdek, mamlakatning savdo himoyasini **JST qoidalariga mos kelishi** bo'yicha batafsil tahlil o'tkazildi. Jahon savdo tashkiloti qoidalariga muvofiqlashtirish maqsadida antidemping, kompensatsiya va maxsus himoya choralari sohasidagi milliy qonunchilik bo'yicha tavsiyalar tayyorlandi.

ITSV iltimosiga binoan, loyiha qo'shimcha ravishda monopoliyaga qarshi komissiya vakolatiga kiradigan tabiiy monopoliyalar va subsidiyalar to'g'risidagi o'nta milliy qonun hujjatini tahlil qildi. Hujjatlar rus tilidan ingliz tiliga tarjima qilindi hamda ularning JST shartnomalariga muvofiqligi tahlil qilindi.

3-MAQSAD

Savdo siyosatini ishlab chiquvchi davlat xizmatchilarining, JSTga a'zo bo'lish jarayoni va tashkilotning huquqiy asoslarini chuqurroq anglashi

Davlat xizmatchilarining JST faoliyati bilan bog'liq masalalarni, shuningdek a'zolik jarayonining texnik jihatlarini anglash darajasini oshirish maqsadida loyiha o'quv tadbirlarini o'tkazishni nazarda tutadi.

Jumladan, so'nggi uch oyda loyiha Toshkentdagi Jahon iqtisodiyoti va diplomatiya universiteti (JIDU) ta'lim dasturiga "JST huquqi va amaliyoti" kursini joriy etishga ko'maklashdi. Ushbu universitet xodimlariga bir qator qisqa ixtisoslashtirilgan treninglar va ma'ruzalar taklif qilindi. To'rt nafar JIDU professori Shveytsariyaning Bern shahridagi Jahon Savdo Instituti (JSI) qoshidagi yozgi akademiyada bir haftalik savdo siyosati kurslarida tahsil olishdi. Bundan tashqari, TBT va SFS kelishuvlari, savdo muzokaralari va muzokaralar usullarini yaxshiroq anglashga yordam berish maqsadida JIDU akademik xodimlari hamda talabalar uchun ikkita trening tashkil etildi.

4-MAQSAD

Sanitariya va fitosanitariya (SFS) me'yorlariga, savdo-sotiqdagi texnik to'siqlar (TBT) va savdo-sotiqni soddalashtirish bo'yicha JSTning majburiyatlariga rioya qilishda milliy institutsional imkoniyatlarni kuchaytirish

Loyiha JST qoidalariga muvofiq TBT va SFS bilan bog'liq chora-tadbirlarni qo'llash bo'yicha institutsional salohiyatni yanada mustahkamlashga tayyor. Yordamning ustuvor yo'nalishlari 2022-yil noyabr oyida rejalashtirilgan XSM va milliy hamkorlar o'rtasidagi uchrashuvda muhokama qilinadi.

5-MAQSAD

Manfaatdor tomonlar, shu jumladan ayollar uyushmalarining JSTga a'zo bo'lish to'g'risida xabardorligini oshirish

Loyihaning asosiy maqsadlaridan biri xususiy sektorning JSTga qo'shilishning afzalliklari va imkoniyatlari va O'zbekistonning jahon iqtisodiyotiga keyingi integratsiyasi to'g'risida xabardorligini oshirishdir.



Hududlarda o'tkazilgan seminar ishtirokchilari JSTga a'zolikning afzalliklari to'g'risida ma'lumot olmoqdalar. Foto: XSM



Ushbu maqsad doirasida 2022-yilning iyul-sentyabr oylari oralig'ida loyiha O'zbekiston hududlarida bir qator kompleks seminarlar o'tkazdi. Tadbirlar mamlakatning barcha hududlarida, ya'ni Andijon, Buxoro, Jizzax, Farg'ona, Qashqadaryo, Xorazm, Namangan, Navoiy, Samarqand, Surxondaryo, Sirdaryo, Toshkent va Qoraqalpog'iston Respublikasida bo'lib o'tdi. Seminarlar JSTning maqsadlari va tamoyillarini tushuntirishga qaratilgan bo'lib, ularda O'zbekistonning tashkilotga a'zolidan, ayniqsa xususiy sektor uchun taklif etiladigan imtiyozlar haqida ma'lumot berildi. Seminar ishtirokchilarining fikr-mulohazalari esa ijobiy bo'ldi. Tadbirlarda 399 nafar O'zbekiston ishbiarmon doiralari

vakillari, shu jumladan 61 nafar ayol ishtirok etdi. Seminarlar davomida ishtirokchilarga eksportni rag'batlantirish chora-tadbirlari bo'yicha loyiha doirasida tayyorlangan axborot materiallari, shuningdek, JST qonunchiligi va amaliyoti bo'yicha rus tilida mavjud bo'lgan umumlashtirilgan qo'llanma taqdim etildi.

ITSV bilan hamkorlikda xususiy sektorni JSTga a'zo bo'lish to'g'risida xabardor qilishning qo'shimcha imkoniyatlari ko'rib chiqiladi.

Axborot xabarnomasidan voz kechmoqchi bo'lsangiz, [guyidagi havolaga o'ting](#)